



Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutigaa,

• **Nunani avannarlerni killerni naalakkersuisunut ilaasortat attaveqaasersuutitut inuiaqatigiit ingerlanneqarnerannut pingaarutilinnut, internettimut nalunaarasuartaatitigullu attaveqaatinut, akisussaasut naapissasut Atlantikullu avannarpasinnerusortaani attaveqaqatigiinnermut internettimullu attaveqaasersuutit inuiaqatigiinnut pingaarutillit, minnerunngitsumik imaatigut kabelit qaammataasatigullu attaveqaatit, isumannaassusiat oqallisiginiallugu,**

• **Nunani avannarlerni killerni naalakkersuisunut ilaasortat attaveqaasersuutitut inuiaqatigiit ingerlanneqarnerannut pingaarutilinnut akisussaasuusut naapinnerminnut atatillugu misissussagaat Atlantikup avannarpasinnerusortaani nunat imaatigut kabelii qaammataasatigullu attaveqaataat eqqarsaatigalugit sillimaniarneq upalungaarsimanermullu pilersaarutit pillugit suleqatigiinnissamut tunngavissaqarnerisq.**

(Aallartitat siulittaasuat Pipaluk Lyngø)

Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutaanut Inuit Ataqatigiit qujavugut.

Nunarput nunanut europamiittunut ungasippoq, taamaammallu avammut attaveqaatigut immap naqqatigoortut aammatakisuujuullutik, Nakkutiginiarneri imaannaanngillat, taamaammallu isumaliutiginarpoq nunatut kisimiilluta nakkutilliineq ingerlassinnaaneripput.

Atlantikup avannarpasinnerusortaani nunat imaatigut kabelii qaammataasatigullu attaveqaataat eqqarsaatigalugit sillimaniarneq upalungaarsimanermullu pilersaarutit pillugit suleqatigiinnissamut tunngavissaqarnerisq nunani taakkunani naalakkersuisut isumasioqatigeeqquneqarneri Inuit Ataqatigiit taparserparput.

Nunarpummi Europamut ungasippoq, qaammataasakkut attaviit immallu naqqatigut kabelit avammut attaveqarniarnitsinnut pingaaruteqaqaat. Peqqinnissaqarfik eqqaaginnaraanni pinngitsoorsinnanngilarput ilaatigut toqqaannaq nakorsanik Rigshospitaliittunik attaveqarnissaq.

INUIT ATAQATIGIIT INATSIARTUNI



Allarpassuit assersuussinnaagaluarlugit attaveqaaatitta isumannannginnissaat Inuit Ataqatigiinnit isumaqatigaarput, siunnersuullu akueralugu,